

11 OCT 1998

TAHNIAH AGONG KEPADA RAJA SEPANYOL

KUALA LUMPUR, 11 Okt (Bernama) -- Yang di-Pertuan Agong Tuanku Ja'afar dan Raja Permaisuri Agong Tuanku Najihah hari ini mengutuskan ucapan tahniah kepada Raja Juan Carlos I dan Permaisuri Sofia dari Sepanyol sempena Hari Kebangsaan negara itu.

Perdana Menteri Datuk Seri Dr Mahathir Mohamad pula mengutuskan ucapan serupa kepada rakan sejawatannya Jose Maria Aznar, sambil berharap rakyat Sepanyol akan terus hidup aman dan menikmati kemakmuran di masa depan.

"Saya juga berharap hubungan antara Malaysia dan Sepanyol akan menjadi bertambah kukuh di masa depan," katanya.

Menteri Luar Datuk Seri Abdullah Ahmad Badawi dalam perutusannya kepada Menteri Luar Sepanyol Abel Matutes Juan berkata beliau yakin hubungan baik dan kerjasama antara kedua-dua negara akan menjadi lebih erat di masa depan.

-- BERNAMA

HJ MAI